

rathen. Und in disem jar do liefs grave Jos durch mittel-
personen abermals anhalten. Also kamen die herrn zu
Falkenstein zusammen, aber sie zerschlugen, es wolts graf
Jos in masen, wie oblaut, umb 4000 gulden nit annemmen,
5 so wolt im graf Frobin kain weitere zugehördt, wie die
Zoller begert, geben, und gerieth gleichwol, das der kauf
hünder sich gieng; dann nach gestalt aller sachen het Zim-
bern des forsts und ander nachpurschaft halb kein gröser
unruhe künden zusten, und kunt desshalber nit wol sagen,
10 welcher tail dorechter gehandelt, Zimbern, das er ein so
gelegen guet umb ein spot wolt hingeben ein solichen ver-
wandten und in ein solichs geschlecht, das hernach graf
Frobin und allen seinen nachkommen in ein unwiderbring-
lichs präjudicium het megen, wie augenscheinlich, gerathen,
15 oder ob Zollern unbedechtlich gehandelt, das er ein solichs
guets und wol erbawens haus, das im umb nicks wer zu-
gestanden, von handen liefs, welches im hernach guete ursach
und gelegenheit gegeben, wie der kreps umb sich zu fressen
und ein merers an sich zu ziehen. Aber es hat das, ich
20 glaub, von Gott nit sein sollen, dann vil unruhe daraufs het
megen entspringen.

In disem 1555 jar ist einem burger zu Mösskirch, ge-
nannt Hannsen Hollen, sein weib gestorben. Die ist ufs
Denmark gewest, hat vorhin ein kriegsman gehapt, im Mar-
25 silierzug ein quartiermaister gewesen. In der Provinz, als
derselbig im abziehen gestorben, hat sie diser Hanns Holl
genommen und mit ime heraufs gepracht. Sie ist im dar-
nach in etlichen zügen in Italiam und ins Niderlandt nach-
gefolgt und weit mit ime umbher geraist. Einsmals hat sie
30 der man user Italia heim geen Mösskirch geschickt und ir
etlich gelt ufgeben. Da hat sie ein grosen list gebraucht
und vierzig cronnen an goldt, die ires mans gewesen, zu ir
unden in leib gedruckt und also in dem gepurtglied mit ir
anhaimsch gebracht. Gleichwol sie zum zwaiten mal von
35 unnutzen leuten angeloffen und bisf ufs hembd abgezogen
worden und uf den leib ersucht, aber an dem ort die gueten
frawen ungeirt gelasen. Hat auch das gelt also durch difs
mittel errettet, das es ir bliben ist. Gemanet mich vast, wie
einest ein guete dürn bei kaiser Maximilians zeiten des-
40 selbigen kaisers kleiner gulden secretinsigel auch dergestalt
und mit einer solichen behendigkait hat wellen abtragen.
Das hat sich also gefüegt. Es hat kaiser Maximilian vor